



BIBLIOTHECA
UNIV. JAGELL.
CRACOVENSIS

Aug. St. Di

6379

kat komp

HISTORIA



*Acta novissima Virtutum Picketi, Fidei
et Concordiae auctorem contra Ratio-
nem Statu, etc. 1658.*

XXXIX. 69.

ACTA NOVISSIMA
Virtutum
Pietatis, Fidei, & Concordiæ
Actricum :
Contra
RATIONEM STATUS,
Et earum,
RECONCILIATIO
Coram Tribunali Apollonis,
declinante Majo,
ANNO elo Ioc LIIX.

ACTA NOVISSIMA
Pietatis Fidei & Concordie
RATIONEM STATIS
RECONCILIATIO
Coram Tribunali Apostolico
ANNO 1722

bl
bu
in
fru
qv
& l
nib
du
un
lim
lue
tur
tep
val
bar
bat
di
equ
ull
deb
in



Relatio ex Parnasso

18. Maji Anno 1658.

Vernantis Anni delitiæ invitaverant Apollinem, ut pertæsus claustrorum Parnassi, fastidium tristis Hyemis in virentibus pratis, cum suis virtutibus abstergere, torporemq; contractum depurati æris suavitate refocillare, apud sed constitueret, conviviumq; solenne & anniversarium indiceret. Publicum ergo in crastinum statutum gaudium, Principibusq; Heroibus, Politicis, Historicis, Philosophis, Poëtis, omnibus, quos virtus in hunc locum suavissimum evexerat, quibusque Divûm consortio frui contigerat, ab Apolline invitatis, severè interdictum, ne quisquam mœstitiæ indulgeret, rancoremve animi foveret; Philosophi & Politici nodosis & spinosis abstinerent quæstionibus & altercationibus, Historici & Poëtæ lætis recrearent reliquos narratis. Electus ad hoc tripudium vallis juxta Heliconis juga, quem mille millium florum tapetis & diversicoloribus herbis Natura instraverat, limpidus & per alta montis cacumina defiliens rivus medium interluebat, tremuloq; murmure per saxa serpens, astantium blandiebatur auribus. Parnassi cacumina occidui solis avertebant æstum, repentes Zephyri circa montem errantes, sæpiusq; percussi, in hac valle, quasi in sinu colligebantur, convivarumq; leni motu turbabant crines; Echo vix quæsita terq; quaterq; sponte garrula reddebat voces, Musicamque provocabat. Nec mora posterum (qui indictus erat convivio) vix Aurorâ designante diem, proruunt præeunte Vate acervatim omnes, etiam, quibus profunda meditatio ullam recreationem multis retrò annis denegaverat. Agmen claudibat Diogenes vas suum rotans & versans, qui ex commiseratione in Parnassum receptus, ut haberent, quem Cynicâ obstinatione va-

num riderent, locusq; ei datus ad portam, cum canibus excubantibus, quibus in vitâ simillimus fuit. Latatus Apollo suorum exportectâ fronte & alacritate, ipsemet locum convivio metans, convenientem mensis designat, & ut quisq; se hilaritati componat, iterum iterumq; hortatur. Nec mora, per apertos campos & prata virentia decurrunt, pars amicis confabulationibus, pars ingeniosis dictis, pars admiratione naturæ vernantis defixa, pars instruendæ Musicæ, pars depurandis & coronandis poculis & vitris, Nectar vinumq; degustandi (inter quos pleriq; erant Germani) desudabat: omnes una defæcandi affectus, frontemq; explicandi habebat cura & labor. Quid multum? ita consumpto & transacto mane, tempus appropinquabat prandii, apparantur sub aperto calo mensæ, pleræq; juxta rivum in prato, floribus gramineq; confito & arboribus umbroso, præter solius Apollinis cui ex purpurâ auro intertexta, tentorium est erectum. Epulis itaq; lautioribus, quàm aliàs moris, allatis, dapibusq; instructis mensis accumbunt omnes; & nausæ ventriculi prævio motu per totum mane purgatâ, & suavitate loci & Veris refocillatâ mente, avidum variis stomachum laxant saginis, lautitiisq; gulæ, plus quàm Parnassî sobrietas aliàs admittebat, indulgent. Nec cessabant, quin pocula alternatim, prout cuiusq; ferebat affectus, sibi invicem propinarent & spumantes Scyphos resupinatâ cervice evacuarent: Imò nonnulli crateres non mediocris capacitatis pro memoriâ magni Vatis, reliquorumq; Divûm, in orbem redeunt, siccare non erubescabant. Jamq; omnes solutiores vino affectus, austeræ rationis jugum paulatim excutiebant, garrula lingua in facetias proruebat, morosisq; etiam Stoiceis & Senibus lenta ad risum ora invitis referebat. Ut in pauca verba contraham, omnia in lætitiâ & hilaritatem diffluebant, resonansq; Echo, murmur gaudentium & musicæ voces super universam vallem effundebat; Famaq; erat vix multis retrò annis tanto omnium consensu, virtuosos exultasse.

Cum ecce à custodibus Parnassî, advenas è Germaniâ in liminibus forium hæere refertur, suppliciterq; orare, ut maximus Apollo admittere dignetur, & licet solenne festum & tripudium celebrari iis, explicatum; nihil tamen moveri, sed ardentius instare, brevibus se expedituras, rem esse tam arduam, quæ nullam dilationem

recipi-

recipi
inqu
pro S
diem
os in
mor
tract
dâ m
Et, re
scisci
prim
care,
digna
lere, p
die su
inter
hodie
audie
quos i
qui re
sciant
clum
& pro
risu ex
somnia
id fieri
tet, to
tantâ a
plenis
Germa
testi vi
Virtut
rum m
aditum
Taciti
bera ra

recipiat. Ad hoc paululum commotus Apollo; Scio, quid res sit, inquit, in angustiis versantur Virtutes, Sorores charissimæ, à corrupto Seculo omni ignominia afficiuntur. Succurrendum! Sed hodiene interturbanda laticia publica? Cum præsertim virtuosos meos in consilium adhibendos, plus nimis litasse Baccho, videam, Rumor interim ad convivas omnes, aliquid ardui in tentorio Apollinis tractari, penetraverat, cum subito vix apposita aut degustata secundâ mensâ advolant omnes, partim novitatis amore, partem vino acti, reliqui metu defixis oculis custodem circumstant, quidq; novi, sciscitantur, inter quos & Tacitus, Apollini ob acumen ingenii apprime charus, qui, cum videret, plerosq; frontem in rugas complicare, publicumq; abrupti gaudium, inq; seria retrahi, & tacite indignari; Ita Phœbum adoritur: Magne Pater, virtuosos tuos dolere, potiusq; genio indulgendum suafuros, quam causam hanc hodie suscepturos, video. Verum ex institutis tuis habeo, omnes dies inter nefastos habendos, in quibus nihil virtuosum peractum. Cumq; hodiè ventri & gulæ indulserimus, dignum est, ut ad exulum causas audiendas horulam impendamus; Nec verendum temulentiam aliquos impediri, cum Germanorum meorum mores jam olim noti, qui res maximi momenti inter pocula tractare consueverunt, quod sciant, absconditos cordis recessus vino referari, nihilq; vafrie tectum aut malitiâ absconditum manere; sed ex fide cuncta tractari & prout verba sonant, ita etiam animum & sententiam esse, Hinc risu excipiunt exteros, qui ingentem gloriam in sobrietate perpetuâ somniant, cum sciant, non amore virtutis, aut temperantiæ studio id fieri, sed metu, ne nequitia, calliditati & mille vitis, quibus scateret, totumq; refectum est corpus, mero aperiatur porta, claustrisque tanta anxietate noctes diesq; custoditis, temulentiam effractis, vitia plenis proruant alveis, cujus securi & sinceræ simplicitatis consciî Germani, solutiores merito sunt in pocula. Ita nos, quibus nihil recti vino remansit, procul ab irâ, amore, odio, solè Justitiæ muniti, Virtutum audiemus causas, & quia è Germaniâ veniunt, Germanorum more iudicabimus aperti. Tu modò, Pater Magne, concede aditum, & supplicantibus subvenire dignare. Motus Apollo tersâ Taciti oratione & candore Viri: ita est, inquit, æquius iudicamus liberæ rationi indulgentes, quam ubi omnium aditibus sensuum, per-

affectus obsessis, compedes rationi injectæ videntur. Ocius vocate
 exules, de simplici & plano sub aperto sidere causam cognoscam, &
 forte decidam. Missusque Cicero & Legatus, qui eas quàm primùm
 adducant. Parvâ interjectâ morâ, in orbem collecto interim Vir-
 tuosorum agmine, Phæboque in thronum sub tentorio collocato,
 comparent honesto & ferè Vestali habitu, prædictæ hospites. Cumq;
 proximè throno admotæ, in genna procumbunt, dehixis in terram
 oculis, & fronte ad commiserationem compositâ; tandem *Fides*
 quasi è nube oculorum Sidus attollens, sic ora resolvit. Summe
 Pater, Parens Vatum, advolvimur pedibus tuis è toto ferè orbe ex-
 torres & exules, *Pietas, Fides & Concordia*, virtutes tibi non ignotæ.
 Et licet incivile, à nobis publicum interrumpi gaudium, locum quæ
 hilaritati dicatum, squalore querelarum fœdari, summæ tamen om-
 nemq; moram respuenti necessitati, pro cognitâ benignitate hoc
 Te condonaturum speramus. Nosti, inquit, Alme Parens, à Re-
 rum publicarum ferè primordiis, Matronam fuisse nobis sociam,
 quæ pro diversitate nationum, varia quidem sortita est nomina, sub
Salutis tamen *Publicæ* nomine olim ut plurimum venit, cui plerique
 populi fasces Rerum publicarum crediderunt, supra omnes Reges,
 Principes & Leges Dominam, Fœderum, pactorum, induciarum ar-
 bitram, Pacis Belliq; Moderatricem, unanimi consensu constitue-
 runt; his tamen expressis Legibus, ut nihil statueret aut svaderet,
 nisi in consilium adhibitis nobis sororibus, & quasi Senatus-consulto
 factò, Ipsa saltem exequeretur decreta, cum expressâ comminatio-
 ne, si nos lædat, potestatem omnem illi abrogaturum iri. Illa ipsa
 Matrona licet diu intra præscriptos carceres sese continuerit, tractu
 tamen temporis, paucis potissimum retrò seculis, tanto inflata fa-
 stu, tantos sumsit spiritus, & tam arrogans est facta, ut non solum
 nostrum non ampliùs exploret iudicium, sed etiam si contradica-
 mus, nos manifestò lædat, injuriis proscindat, pedibus conculcet,
 & à consortio omninò excludat. Cum Naturâ unâ & nomen mu-
 tavit, jamq; multo nomine *Ratio Status* à modernis Morosophis Po-
 liticis vocari amat, tàm vulgari nomine, ut cum olim piaculum fo-
 ret impuris aut aliis, quàm Principum illam contrectare manibus, ho-
 diè omnium Scholarum buccinis decantetur, flagitiiq; cujusq;
 privati sit patrociniū; Illa, inquam, *Status ratio*, olim sanctimoniam
 vitæ

vita clara & celebris, hodiè manifestò cum *Privato commodo & oc-
culto Odio* notis aulicis, scortatur, inqve omni voluptatum genere
volutatur, assedis factis & continuis pedissequis *Ambitione, Avari-
tiâ, & Invidia*, cum quibus heu! Regum & Principum animos ita
fascinat, ut nos, ubiq; ludibrio habitæ, in pannis & inop'â vitam
vivamus miserrimam. Illa ipsa est, quæ Reges & Principes inter se
committit, bellum ex bello serit, delubra tua vastat, gentes omni ca-
lamitatum genere affligit, florentissimam Europam, prompto Mar-
te & Bellonâ depopulatur, virgines prostituit, senes maciat, juven-
tutem miserrimæ servituti Barbarorum aut crudelissimæ morti tra-
dit: Hæc Oceanum sanguine astuantem, maris Balthici littora
cruore spumantia, Vistulam truncis inhumatorum corporum artu-
bus refertum, in mare usque detulit, ludentesq; Nereides terruit,
Tamesin, (ut sit testis simul sui pudoris) rubore perfudit. Paucis,
tales intulit Europæ Faces, quæ nec urbium concidentium ruinis,
nec totis cruoris fluminibus restingui possunt. Sola nobis hæctenus
Germania superfuit, quæ licet etiam hujus meretriculæ bonam par-
tem infecta sit & intoxicata; *Mihi* tamen, *Pietatisq;* tutum semper
apud quosdam præbuit domicilium, licet *Concordia* pessimo hæc-
tenus loco sit habitæ, viximus tamen in ea, intuitu aliorum Regnorum
utcunqve contentæ, restitimus illi bestiæ pro virili, quandoqve enim
non omninò obseratas Principum etiam infectorum offendimus au-
res. Postquam autem, alme Pater, Germania nostra Capite verè
pio, bono, iusto, pacifico orbata, Vicariisqve Imperii, Electores &
Principes, Atlantes illi tantæ molis, & strenui Excubitores pro salute
publicâ, de eligendo novo Imperatore Francofurti ad Mœnum
convenerunt, ut nutritiis nostris essemus à consiliis, & nosmet eò
venimus; Sed, proh dolor! serpentem illam, jam in exterorum Au-
lis latentem, perq; suos Scortatores, *Privatum commodum & ocul-
tum Odium*, & dictas pedissequas, jamdum præoccupâsse Principes,
& affectuum turbine ita in gyrum agitâsse, ut duplicatâ bis pupillâ
cuncta intueantur, limisq; sese invicem respiciant oculis, cælum ter-
ræ miscuisse, & Serenissimas quasdam familias Germaniæ, bello exi-
tiali jamdum implicâsse, nobis ferè aditus omnes, exceptis paucis
antiqva Virtutis Principibus præclusisse; ibi offendimus. *Mactæ*
consedimus in Foro, & quid consilii caperemus anxie hærebamus,
usqve

usque dum à presente potissimum Imper. Vicario (apud quem nobis
tuta semper statio fuit) spes nostræ paululum erectæ, suæque ejus ad
Te, Magne Pater, auxilium & consilium imploraturæ, sumus remis-
sa, nisi celeriter revertamur, actum de nobis, actum de Germaniâ.
Miserere ergo, Alme Pater, tuæ Europæ, miserere Germaniæ, & Prin-
cipum tantâ devotione te colentium. Intra justos carceres reduc
illam *Status rationem*, nolumus abrogatum illi Imperium, imperet
omnibus legibus, Pactis, foederibus, Paci & Bello, sed nobis simul in
consilium adhibitis, nobisque contradicentibus, irritum sit maneatque
ejus conclusum. Videbis florentem tuam Europam, tuam Germa-
niam, Barbaros devictos, delubraque frequenti hominum affluxu, o-
mnique rerum copiâ repleta, nos modò pristino honori dignitatique
restitue. Hic spirituum meatûs uberrimus lachrymarum imber,
obstruebat, vox deficiebat, gemituque miserabilique vultu & genis
lachrymis fluentibus plus dicebant, quàm verbis hactenus expresse-
rant.

Phœbus, qui justas virtutum querelas patientiâ & constantiâ
hactenus sustinuerat, sibi amplius temperare vix valebat, quin indi-
gnationem animi, justumque dolorem in fronte præ se ferret. To-
tus Virtuosorum cœtus mœstus, sese ad votum seriamque deliberatio-
nem componens, Statum Europæ secum intimius volvens, de con-
veniente remedio erat sollicitus. Cum iterum Custos Parnassi imo
pectore anhelitum trahens, accurreret, nunciaretque adesse Matro-
nam splendido sed diversicolori habitu induram, sodalitio non con-
temnendo, diversis verò moribus & vestitu stipatam, ipsam subfu-
scam, nigros in albis orbibus, majestati pariter & terrori aptos, sub
contractâ fronte versare oculos, non secus, ac si sanctam sedem iis
inflammare vellet: Petitionem impetuosam, minisque mixtam esse,
ut intrōmittatur, se rem tanti afferre momenti, quæ si in horulam
differatur, Orbis periclitari salutem; Et licet me ob solenne festum
excusarem, & res serias in crastinum differrem, illa tamen satis pro
Imperio jubebat, irem Apollinique nunciarem, sine injustitiæ maculâ,
hostibus suis non posse vacivas præbere aures, sibi denegare, scire
satis se prosequendi calumniis, Majestatem suam non ferre, ut diutius
patiat. Apollo licet non parùm importunis hisce verbis move-
retur, imo tamen dolorem pressit sub pectore, nihilque in speciem mu-
tatur.

tatur. Opportuno sanè tempore advenit, inquit, justum est ut audiatur & altera pars. *Ratio Status* est, quæ ad thronum admitti desiderat, per exploratores forte compertum est, vos huc accusatum, ivisse, ne timeate Virtutes, intra limites modestiæ hic continebo. Continuo jussu Delii Vatis, accitus Hector, Achilles cum Furio Camillo, quibus seriò mandatum, ocyùs adducerent Matronam, sodalitiis verò colluviem à limine arcerent, si quid regeretur, indicent, Leges Parnassi postulare, si quæ, ad causam dicendam, ad Tribunal accederet, solam comparere lebere, nec quenquam ex famulitio unà admitti. Commissum negotium summâ alacritate suscipiant, Interim Apollo intimorum suorum seiscitatus sententiam, si fortè non satis modestè se gerat fastuosa Rea, quomodo coercenda, & cunctis placuit, honestâ custodiâ sustentandam, dum ad meliorem mentem redeat, Virtutes interim bono animo esse jussit, se judicem fore haud iniquum.

Dum hæc aguntur, accedit *Ratio Status*, comitante virtuosorum ingenti catervâ, qui novitate stipantium sociorum ducti, ad limina usque processerant. Illa verò Iram & fulgura oculis & naribus spirans, regali pompâ ad thronum usque Phœbi deducta, ex adverso Virtutibus statuitur. Ubi post breve silentium & torvis adversarios & circumstantes contortis oculis, leviter inflexo genu, audaci fronte ita exorsa:

Hocne moris magne Delie, si quæ Matrona, Diis paulò inferior, tuas accedat aras, innocentiam protectura suam, ut ejus aulici & consilarii, quorum similes profectò hic extus vix habet, tantâ obstinatione, ut preces nil valeant, à foribus excludantur, Solaquæ quasi captiva ad judicium rapiatur? Ita ne hæ Terræ filia, quas præsentem hæc video, te emanitis lachrymis transvorsum egerunt, ut tantæ gravitatis matronam tam indignè habeas? Profectò si me nosces intimus, jam meas Calumniatrices, in squalidissimo carcere putrescere viderem: Sed quia Deus es, taceo, luctumquæ intra propria viscera recoquo; Respondebo ad ea, quæcunque effutiverunt hæc, Apollo veritus, ne summâ animi impotentiâ ulterius proveheretur, interruptit sermonem & clarâ oris majestate, de sociis & famulitio hoc juris esse hujus tribunalis asserens, quo præterea cautum, ut si quis coram judicio agat, ut modestè sua proponat, ab injuriis sibi

temperet, iudicisque arbitrio causam submittat, placidè edocuit. Quoniam autem te præsentia harum maximè moveri video, secedite, inquit. sorores paululum, animumque verno flore recreate. Tu autem, ne sis ignara, quæ, & quare te accusent, audies ex libello accusatorio, tuum jam est modestè respondere, factaque diluere. Imposito ergò silentio, tota accusatio literis excepta, clarâ voce legitur, quo tempore exulceratum animum vix continens, modò dentibus fremere, ad singula verba gemere, manus modò complicare, modò in spiras contorquere, oculis, ore, naribus suum prodere furorem, non sustinebat.

Finito libello accusatorio, rupto præirâ silentio, Hæc sunt illæ calumniæ & prodigiosa mendacia, quibus castæ hæc scilicet puellulæ sanctas tuas aures polluere non erubuerunt? inquit: Et licet vix refutatione dignas iudicem, Tui tamen in honorem, magne Divitum, & candore meo subnixa, in arenam descendendo, non quod verear quidquam maiestati meæ derogari posse, sed ut niveam meam simplicitatem (cui etiam levissima macula nocet,) Tibi virtuosisque tuis probem. Sum, vocorque veris Politicis *Salus publica, suprema lex*, & communi nomine *Ratio Status*, nominibus meæ Maiestati convenientibus, ultimò verò propriissimè. Ego enim sum ipsa ratio status, & quemadmodum ratio hominem discernit à brutis, ita bruta, barbara, & verè bestialis omnis sine me est Resp. Et si ego Rempubl. ex neglectu deferam, corpus est sine animâ, sine sensu. Mei sunt fasces Rerumpubl. Mihi pacta, fœdera, Induciæ, Capitulationes, Pax, bella, & Armistitia, Libertas & Vita populorum subjacent, in meum dominium consensere omnes populi, quibus de meliori luto finxit præcordia Titan. Impurissimum est mendacium, me unquam *Pietatis, Fidei & Concordiæ* adeò astrictam fuisse Legibus, ut meum Imperium sine illarum consensu irritum fuerit. Ubi misellæ istam legem scriptam habent, aut si habent, ex scriptis per tineas excisis conquirent, quorum fides æquè dubia ac ipsarum accusantium. Consuetudo certè in contrarium est, à Rerumpublicarum incunabilis demonstrabo, mearum fuisse partium, vos in consortium admitterem, nec ne: quid tritum magis, quàm illud veterum: *Ut pueri a fragulis, ita principes ludunt fide?* quid familiarius, quàm *Simulare & dissimulare?* Non nego, in consortio vobiscum fui, sororio amore vos

re vos amplexa, quàm diu mihi subjectæ fuistis, quàm diu simplici-
tas Gentium vos admittebat, vestrisque vinculis continebatur.
Post, quàm autem nequitia & calliditas, virus suum in orbe spargere,
politiciqve emundioris naris, Pietatem & Religionem definire cœ-
perunt: Esse inventum Politicum, domandis & in obsequio conti-
nendis populis, præsertim ferocibus aptissimum; Fidem esse simpli-
cium hominum delinimentum vel viscum; Concordiam, subdito-
rum vinculum ad colligendas opes Principi, in casus necessitatis re-
servandas, aptum. Postquam, inquam, ejusmodi sincerationes, ab
Orbis gubernatoribus sunt inventæ & Ego mehercle consilia muta-
re necesse habui. Malitia ergò hominum abrogavit vobis Imperi-
um, non Ego. Negare non possunt, me sapissimè monuisse, ut
ab austera pertinacia aliquid remitterent, seculo sese accommoda-
rent, hoc honoris semper à me consecuturas, ut omnibus contracti-
bus, foederibus, conventionibus Bello & Paci præfigantur, caput &
calcem illarum impleant, cum centies reiteratâ protestatione, con-
trahentes omnia illarum gratiâ facere, quod profectò satis honoris
miscellis fuisset, modò non tantâ obstinatione antiquis legibus insti-
tissent, & necessitati, prout fert tempus & occasio cessissent. Me
anxiè præterea cauturam promittebam, ut in omnibus contractibus,
foederibus, Pacificationibus &c. Verba ita callidè dictentor, ut
semper inscrantur aliqua, foedus & fidem eludentia, adeò ut si com-
modum videatur, utra pars velit, illasâ pietate & fide, recedere pos-
sit. Aut in quolibet contractu aliquid faciendum, restituendum,
restaurandum, revocandum, me reservaturam, illudque tam diu à
partibus protrahendum svasuram, dum commodum contravenire
videatur. Quid multis, in omnibus contractibus me semina dissidio-
rum & rumpendæ conventionis relaturam sponendi. Aut deniq;
si manifestò promissa lædantur, culpam in me recepturam, aut ne-
cessitati imposituram, illas innoxias fore, parique in existimatione,
apud mortales mansuras, modò se ad statum cujusque Populi unâ
mecum obliquent, consiliumqve exre capiant. Sed nihil à moro-
sulis obtinere potui, omnia sana consilia respuentibus; Eò audaciæ
tandem provectæ sunt, ut me pedibus conculcare, earumque legibus
ut viverem, coacturæ viderentur. Removi ergò à consortio meo,
B 2 mole-

molestas & inutiles, interim earum nomina omnibus meis contrariis adhuc constanter inferens, ne reconciliationis spes praelusa videatur. Nullique Principum ideo dicam, scribam, quod illas colat, modo statui suo serviat, modo servet Rempublicam, sed si hae periclitentur, eas tam infesto prosequor, fateor, quam possum maxime odio, conservatio enim status est Deus meus, est norma Actionum mearum & trutina omnium virtutum & vitiorum. Consiliarios, in eorum locum ascivi plerosque ab *Occasione* commendatos, & ex diversissimis Mundi cardinibus conquisitos, miros in omnes casus obliquandi animi artifices, quos pro diversitate populorum & Eventuum diversimode adhibeo, in omnibus tamen negotiis, fidelissimos hactenus expertus. Haec, magne Divum, nostri dissidium vera & minime fucata est causa, quam aequitati tuae, omniumque adstantium iudicandam submitto.

Obiectas injurias, scortationes, bella, calamitates & nescio, quid non, tantum abest, ut ad eas erubescam, ut potius mihi gratuler tantas calumnias diluendi coram splendidissimo consensu tempus & locum concedi. Interim peto, summe Apollo, carcere mancipies vilissima mancipia, donec aut probent, aut revocent, aut cautionem praestent. Non enim leve est, tantam Orbis gubernatricem fornicationis arguere. Non nego in familiarissimo cum *Privato commodum* me vivere consortio, nec abs re. Hic enim *privatum commodum* est remuneratio hercicarum virtutum, prudentiae, & omnium, qui me obviis ulnis amplectuntur, hocque Aulico ad corrumpebros inimicorum secretiores, ad penetrandos intimiores recessus pectoris, ad referenda abditiore Principum conclavia, utor saepissime. Verum hocne est vitium, hocne scortatio, si per fidelem mihi ministrum, privatum commodum, aliorum machinationes expiscari possum? O nimum terrae affixae, o rustica simplex simplicitas! Eadem ratio est *occulti odii*, qui me hercule Aulicus, inter Virtutes summo merito collocandus esset loco; Hujus enim tantus est usus, ut vix effari possim: Ille homines invicem dissidere docuit, cum olim sub rudi amicitiae & fidei nomine, sese invicem decipientes ultro propinarent. Postquam autem prudentissimus hic aulicus meus, corda hominum occupavit, seque penitus insinuavit, ve-

ra de

ra de
fiden
bè p
tiis e
maxi
qui in
sus ab
tiem
tum,
nem a
culto

virtut
sine o
fecto
certo
tolleti
mox o
tum, f
strum
enim r
animu
eidem
dubio

peranc
ra con
fiduita
quiden
constit
Princip
concur
tes qua
innoda
si fortu

ra demum prudentia nata est. Hoc enim Doctore sumus cauti, diffidentcs, omnia verba trutinantes, actiones sub rationis incude probe probantes; hic conjungit animos, si quis nimie fortunæ blanditiis evehatur, hic Europæ Principum à me constitutum æquilibrium maximè omnium conservat: hic ex amasis meis longè charissimus, qui in nullis me anxietatibus deseruit. Nefandi verò à me congressus absint longissimè; Cui tanta Regnorum moles incumbit, spurcitiem ejusmodi vilissimorum & infimæ sortis hominum delectamentum, alto despicit supercilio, & per retorsionem famam communem allego, *Fidem Stupratam à proprio commodo, Concordiam ab occulto odio*, plura non addo.

De pedisse quis pudet respondere. *Ambitio* est incitamentum ad virtutem; quotus enim quisque vestrum solo & mero virtutis amore, sine omni gloriæ spe, inter tot cædia, virtutis semitam pressisset? profectò plurimos, absque hoc, inter omnia vitiorum genera sepultos certò certius deprehendissem. Tollite spem gloriæ, virtutem unà tolletis, tristis enim sine cultoribus in solitudine præ mœrore diem, mox obibit supremum. Mihi ergò meisq; *Ambitio* est incitamentum, stimulusqve ad Virtutem acerrimus, longè efficacior, quàm vestrum somnium, habitus. *Avaritia* non dissimilis conditio; Quos enim nulla virtutis gloria tangi video, eis ad generosa facta inflat, animum auri sacra fames, quæ germana est proprii commodi soror, eidem usui à me destinata. De *Invidia* glorior, illa enim procul dubio Virtutis comes, & hoc nomine mihi charior.

Vides ergò, maxime Delie, nec in consortio quicquam vituperandum. Ne verò putes, sodales meos inter inutilia pondera terræ connumeranda, Ecce fructus quosdam non contemnendos: Affiduitatè enim suâ, meqve gubernante *Æquilibrium* Europæ, (quæ quidem pars tua delubra veneratur, barbaros diversâ ratione rego) constituerunt, adeò ut pares potentiâ omnes civiliter inter se vivant Principes; si quis emergere conetur, aliisque formidini esse, omnes concurrunt, tanquam ad restringendum incendium. Et licet partes quædam inter se combinatæ videantur, scæderibusqve sanctissimis innodatæ; nullum tamen vinculum tam firmum, quin affectu mei, si fortuna apud unum nimium fortasse luxurietur, illud rumpant;

intraque carceres æquilibrii vel per socios, ex hoc capite, reducant, Bella externa semper querenda, quando instant civilia, meum hoc est inventum, quicquid obstat Pax, Fœdera &c. nihil moror *Ego salus Reipubl. suprema lex sum*, omnibus impero legibus. Ut enim noxii humores corpus languore quodam afficiunt, & nisi evehantur, omnino inficiunt; Ita Rebusp. longo otio & felicitate luxuriantibus & à Virtute degenerantibus, catholico purgante, & venæ sectione, bello externo, intemperiei resisto: tympano, tubaque omnes turbidos, egenos, fucos alieni laboris, & qui nullam vitæ artem novērunt, quàm quæ mors queritur, pestes Reip. haud invitos, tanquam noxios humores, in apertum Martis Campum educo. Hocque medicamine multas hactenus suo humore & sanguine perituras sustentavi Provincias, Vicinorum verò tam exacta cura, hoc casu haberi profectò non potest, dum tamen calamitate premo, simul doceo, præceptisque meis impoſterum ad omnes casus inſtruo.

Jus præventionis: Novum Jus restituendi ſemetipſum in integrum, ſine Judicis officio: Repetundarum: Noviffimum edictum, Uti poſſidētis, ita poſſideatis in perpetuum: Mea hæc ſunt inventa. Quæ Orbi moderno eſſe proficua, veraque ſpecifica & appropriata morbis Rerumpubl. quis non videt? Reſtat, ut innocentiam ab immani calumniâ, à me ſcilicet flammam adhuc tota Regna depaſcentem Europæ illatam, Vindicem. Provoco in hoc capite ad omnes Reges & Principes, eos teſtes allego meæ innocentiae, Mendacia ſunt, quæ ex laſo cerebro promanant; quid enim peccavi, quid commiſi? Egone Tameſin, Oceanum, littora Maris Balthici, Viſtulamque fœdavi? Injuriae meae ſunt. Non nego, Mars & Bello-
na miſi ſemper ſunt à latere, ſed maximo Rerumpubl. bono, ut purgem ſordibus, ne noxio & ſuperfluo humore intumeſcant, ſibi que noceant & propria viſcera arroſant. Et ut exemplum ſaltem allegem, ſub curâ inter alias jam mea eſt Reſp. quæ perpetuò tranſverſim in alienas felicitates reſpiciendo limam contraxit pupillam, ſuperciliumque nimiam elatione corrupit, quæ cum faciem admodum deformet, ad priſtinum ſtatum ſtaturamque reducere jam deſudo; Sed quia in tenero acrioribus medicamentis verſor ſenſu, dolore percita, me quandoque inculat. Verum nil curo, qui ſua temerita-

meri
eſt, (
preſſ
verſa
ſtratu
mea
ne pa
reſerv

tim ca
in me
neque
teratis
admit
beſcar
rent m
licet ſi
runda
aut ab
quisq
cum ta
Salute
aut pro
cundan
& oſcit
nuſſe,
except
vit Jup
bitâ ob
tia, ter

U
nem.
riis circ
ſuſcit
lamitat

meritate morbum contrahit, medicinam ne aversetur. Et certum est, si pupillam suo vigori restituero, superciliumque paululum depressero, montisque meis pareat, suis intenta, juxta posita, transversaque negligat, tantâ claritate & formæ excellentiâ Orbem illustraturam, ut quam ei comparem non facile inveniam. Innumera meæ solertiæ & prudentiæ exempla possem producere, sed vereor, ne patientiâ abutar tuâ, privatoque colloquio, si forte digna habeor, reservo.

Quod verò debitâ destituta vivam gratiâ, in causâ sunt partim calumniatrices hæ meæ, quæ ubique injustam vim conquirentes, in me odium pro virili detorquent; partim quod pleræque Respubl. neque morbum cognoscant suum, neque Curam (quia, ut in inveteratis malis urendo vel secando, violentiora quandoque adhibeo) admittant meam delicatulæ: Inde fit, ut tandem vitiis suis contabescant & lue internâ pereant, quæ si in tempore medicam adhiberent meam manum, sanitati facile restituerentur. Quæ omnia licet sint notiora, nihil tamen magis miror, quàm Impudentiam quorundam, qui quicquid præposterè actum, aut formidine patratum, aut ab impotenti animo profectum, aut vehementi affectu abreptus quisquam admisit turpius, omnem in me conjiciant culpam audacter, cum tamen plerique me ne in consilium quidem adhibere dignentur, Salutemve Reipubl. omnium actionum decempedam habeant; sed aut propriis animi motibus turpiter ancillando temeritati suæ obsecundant; Aut si quandoque, quod rarò fit, monitum à me, raptim & oscitanter excipiunt, illud tam absurdè adhibent, ut pudeat monuisse, continuo tamen accusant cibum, licet impuro insinceroque exceptus Stomacho. Rari profectò sunt & quos solùm æquus amavit Jupiter, perpaucique qui mea præcepta capiunt, iisque cum debitâ obœdientiâ obsequuntur, omnes tamen ignorantia, imprudentiæ, temeritati & levitati sacrum meum prætexunt nomen.

Ultimum est, ut de objecto crimine Germaniæ reddam rationem. Non nego superioribus annis me invictam Germaniam variis circumegisse motibus; Sed hæc cura mea fuit, quâ à Veterno suscitata tumultuancia viscera quieti restituerem. Illatas verò calamitates unicâ Regulâ, quam nulla Eloquentiæ svada olim persuadere

dere potuit, à me ipso facto edocta, satis compensavi. Nimirum invictam esse, si concors & omnium membrorum una Salutis publicæ agat cura; Contra, omnium Exterorum rapinæ expositam, si limis sese invicem oculis membra respicere, Exterorum Patrocinio & tutelâ capi, omniaque exotica, propemodum cum iacturâ Bonæ mentis, suspicere pergat. Si non obœdit Regulæ, quam tanto damno, veram esse edocta est, quis tam temerarius, qui culpam in me rejiciat? Sed reverâ sanicra spero. De jam intricatâ Familiâ non satis capio, sanctissimæque juro, non meo suasu, multò minùs jussu factum, & si factum, quod non spero, me maximè inde læsam. In me tamen recipio, si monitis meis pareat, pacioraque amplectatur, licet nulla mea culpa factum, me summâ ope apud Clentes intercessuram, ut explicetur, dumque vivo, pro salute & pace Germaniæ me excubituram.

Quid multis, & solem in meridie lucernâ ostendere satago, præferim apud Te, tam justum judicem, tam enim conspicua evidensque mea est innocentia & vitæ sanctimonia, ut omnium Mortalium oculos claritate suâ perstringat, luceque frui indignus sit, qui de ea saltem subdubitet.

Puni ergò, juste Judex, temeritatem Calumniatricum, fac ad genua mea devolvantur, supplices deprecantur, inflictaque præsentis poenâ, æternum tacere, Majestatemque suspicere & venerari meam, impera. Habebis me ad quævis negotia expedienda semper obsequantissimam. Hic conticuit minaci que fronte sermonem abrupte.

Apollo profundis meditationibus immersum animum vultu prodens, tandem inquit: Satis gravi oratione exasperatum animum revelasti, res ardua est, deliberatione indiget, consultabimus cum nostris, tu modò interim animum recrea cum Virtuosis, voluptateque, quam æris clementia & loci amœnitas tibi suppeditabit, liberè frue.

Amoris ita à Tribunali partibus, avidi, varioque affectuum æstu agitati circumstabant Virtuosi, & capita tum accusationis tum dilutionis secum ruminantes, ad votum anxie sese componebant.

Cum

Cum Apollo: Satis jam tributum feriis; ad hilaritatem
guidestinata hæc dies revertamur. Mihi constitutum est, ante-
quam acerbiora amplectar, pacis, reconciliationisqve, inter
has offensas, prius tentare negotium, & quia *Ratio Status* ad te-
stimonium Principum Europæ provocavit, potissimosqve Fran-
cofurti ad Mœnum congregatos scio, cum seriâ admonitione,
eorum mentes exploratum mittam Persam pegaleo vestume-
quo, cui à tergo insidebit Cicero meus, quippe senio & labore e-
maceratus, equum non adeò gravaturus, qui mandata mea Prin-
cipibus exponent. Vos de commodo remedio este solliciti,
hora huic deliberationi indicta esto primo diluculo ad quam vos
accingite, læti interim diem consumite.

Vos verò, maximi Orbis olim Principes, quibus propria
virtus beatis hisce sedibus frui concessit, vobis commendatam
volo R. S. vos eam exquisitissimis excipite verbis, animum byssinis
demulcete disteriis, omnemqve movete lapidem, num in eâ
cum Virtutibus reconciliationis desiderium ineendere possitis;
Materia discursuum deesse non potest, si quasi aliud agendo & te-
rendi temporis causa, referatis, quomodo vestris temporibus
ad clavum Reipubl. quidem semper federit, sed comitata suavif-
simis Virtutibus, cum quibus optimè convenerit. Adjungam
vobis Historicos & Philosophos, qui vobis sententiis & aliis ne-
cessariis in tempore succurrent. Cavete autem, ne ad nauseam
fortè ea reiteretis, sed instar condimenti, (quod si semper &
continuè sumas, esui est ingratum, sanitati noxium) per inter-
valla interspergatis, tacitèqve amorem virtutum instilletis, eo fi-
ne lautâ hodiè eam excipite Cœnâ, maximos exhibete honores,
Famulitium extra Parnassum, dum aliud decernam, honestè ha-
beri jubete. Vestræ hæc commissa sunt prudentiæ.

Vos Sapientes Graciæ, reliquique Philosophi, quò *Virtu-*
tum mearum æger animus soletur, dolori medela adhibeatur,
& spe lætetur, vestra erit sollicitudo: Lætas cum lætis hodiè
esse jubete, omnes verò vosmet hilaritati à feriis restituite, &
quàm primùm ad cœnam accumbite.

Dissoluto ita nutu Phœbi concilio dilabuntur omnes, seque ad coenam præparant, immensâ tamen variâque spei metusque reciprocatione, agitâ mente, plurimumque de matutinâ alacritate remissum, & quasi sufflamine injecto cohiberi animos, erat in propatulo. Quod sentiens Delius non diu inhæsit coenæ, sed Horizontem lambentibus sideris radiis, finem eidem imposuit, receptuique præparare iussit. Invitatâ tamen prius R. S. cum Virtutibus, in crastinum ad splendidum convivium & exploratâ mente suorum, nunquid emolliri & inflecti sentirent animum dictæ Fœminæ, cumque relatum, morbum nondum desperatum, obliquari paulatim mentem in mitiora, injectissemus sermones, à conciliatione non alienas, plus tamen in recessu habentes, quàm externæ frontis gerant, hocque observâsse, nullâ rem magis capi, quàm honore; Benè, inquit, Apollo, hæc nostra erit cura, vos quàm splendidissimè ad nostra deducite Palatia, Vosque primò diluculo ad feria accingite.

Transactâ variis animi revolutionibus nocte, primo mane perpaucis in intimius conclave, iisque secretioribus convocatis; Reliquis indictâ quiete & silentio, causatus tumultum, & ne suspicari fœminæ, quod res sit, suboleat serias pro salve Europæ Phœbus mente agitat curas. Seria profectò erat deliberatio, dignaque quæ aureis æternumque duraturis describatur literis, sed quia specialiora, hunc illumque tangentia immiscebantur, ob delicatulas, veritatis impatientes, & ad quamvis admonitionem offensioni obnoxias aures, narrare supersedeo, velaque intra justæ moderationis limites contraho. Sufficit scire unanimi consensu ad Francofurti congregatos Europæ Principes decretam legationem, continuoque accitum Perseum cum Cicerone, quibus instructionem, suâ manu exaratam concordie Pacisque ineundæ puncta continentem, severò vultu tradidit Cynthius; Ocyûs, inquit, properate Charissimi, omnemque moram, ceu pestem fugite, Terminus instat fatalis, nisi se corrigat, mea Europæ. Nostis Principem toto Orbe celebrem, Saxonie Electorem, maturâ ætate & iudicio, Principem, cujus Parentem omnibus Virtutibus cumulatissimum; haud ita prædem

dem non sine tripudio omnium Virtuosorum, nostris recepimus
sedibus, apud hunc divertite, Ille Vobis haud invito Collegio
Electoralis aditum ad plenum confellum omnium, quibus Falces
Europæ concreditæ, pro Magni Vicarii Munere, parabit.
Ibi si quid in vobis ingenii Eloquentiæque, omne effundite.
Querelas virtutum, vaframentum & callida subterfugia *Status*
Rationis exponite, acta hic habita, egregiumque consortium
explanate: Virtutes suo honori & dignitati restituant, justæ
que querelæ satisfaciant, meo nomine imperate; sin minus, si
pergant domesticâ intemperie agitari, sciant, nulli licet strenuis-
simo, beatis hisce sedibus locum me concessurum, bella illo-
rum pro Manifestis latrociniis habiturum, & in eis occumbentes
Diti devoturum; Scire me quid in Concilio Divûm Magno nu-
per decretum, ultimum instare Terminum, & vitiis, rancoreque
animorum ita arrosa & morbida esse Europæ viscera, ut cui-
bet invadenti facile pateant, fore nisi hoc ipso tempore invicem
concilientur, divosque laceffere pergant, ut barbari jamdudum
spe devorantes eam, undæque quasi relaxatis alveis irrumpant,
malæque cohærentia membra discerpant; Patris me loco ha-
ctenus fuisse, iramque Divûm placasse, hoc ultimum esse moni-
tum, si spernant, Me ipsum bella, pestem, Famem & vel ex E-
rebo omnes Furias immissurum, quæ Virtutum injurias ulciscan-
tur. Nulla ad tantam insaniam in se sæviendi cogit necessi-
tas, satis amplum cuique assignavi patrimonium, & si sunt,
quibus irrequieta omnis quies, si sunt putrida membra & reliqua
insipientia, si sunt, quæ ex publicâ clade privatum commodum
sperant, illis satis amplum virtutis est theatrum Orbis, eant,
invadant barbaros fecundissimam Orbis partem possidentes, de-
turbent de suis sedibus, mea delubra vindicent, & si propriis to-
ties laceffiti non moventur injuriis, mea saltem causa, non sint
glebâ immobiliore. Hoc enim quotidiè experior, si cum bar-
baro est bellum, citissimè in gratiam redeunt, si cum simili, odi-
um est Vatinianum, nec nisi morte piandum; Et quod ferè no-
fas dicere, nullus ferè Principum Europæ potissimorum est,
qui non Barbaros mollissimè habeat, Legatis demulceat & ex-

C 2 qvi.

exquisitissimis delinimentis tradet; modò quos in proximum
 immittat, hostemque fatiget, placatiores & paratiores ut ha-
 beat, securus de Divum Irâ, & quot Myriades animarum Tar-
 tario immergat. Nolo *Rationi Status* abrogatum imperium,
 nec id desiderant *Virtutes*, modò illa abroget consortium vitio-
 rum, inque pristinam redeat cum Virtutibus gratiam; Omnem
 me ipsum, an ad meliorem mentem reduci possit, moturum
 lapidem promitto. Nec desperatum omninò negotium esse,
 spes hodiè mihi injecta; flecti animum, tractabilioremque pau-
 latim reddi audiui, modò ipsimet eam tantâ benevolentia Virtu-
 tibus comitatam, quanto gaudio olim vitiis involutam, excipi-
 ant. Ite, Charissimi, fugit hora, hocque uno verbo nunciate;
 Seriam pro eligendo Bono, Pio, iusto, pacisque & Virtutem cul-
 tore Principe, impendant curam. Duo enim obversari oculis,
 utrum eligant, in eorum situm esse manu: Primum est, Me,
 si sponte nolit, omnemque reconciliationis spem cum Virtuti-
 bus præscindat, *Rationem Status* vinculis *Pietatis, Fidei, & Con-*
cordiæ traditam, ad eos remissurum, quos à tergo Virtutum
 chorus, Plutus, Pax, Qvies, & si quid amabile cogitari potest,
 insequentur. Me totum insuper Copiæ cornu, supet meam Eu-
 ropam, si recipiantur, effusurum, sanctè spondeo. Ab alterâ
 parte erit egregium illud fodalitium, ad quorum nomina exhor-
 reo, quibus Parnassum meum stipata, accedere non erubuit,
 cui à tergo adstabit Mars, Bellona, Pestis, Fames, totus vitio-
 rum chorus, Pluto cum omnibus furiis infernalibus; Si respu-
 ant Virtutes, vinculis R. S. liberent, pristinoque fodalitio (hoc
 enim liberum illis esto, nec quenquam ad Virtutem cogere, sed
 suadere animus est,) restituant, ante depastam totam Europam
 me pestes hasce minimè revocaturum, juro per thronum Patris
 mei invictissimi. Hæc summa vestrorum erit mandatorum.
 Vos mandata tantâ dexteritate, uti hætenus expertus sum, expo-
 nite, felicesque quàm primum remeate.

Quid multis, ocyus Euro, Pegaseo Vecti eqvo, commissam
 legationem suscipiunt, &que conspectu nostro abripiuntur. A-
 pollo interim, variis & exquisitissimis blandimentis, *Rationem*

Status

stat
 mut
 hoc
 tant
 tur,
 trica
 dera
 eis c
 offen
 dō su
 cito
 ces m
 sum

bat ha
 legese
 ante h
 accele
 ejus c
 omnia
 Seren
 niqve
 rata s
 mniun
 cipuan
 habita
 lacia s
 invicer
 dia al
 ampliss
 exculp
 animi
 alterca
 desce
 cerur,

gratius adortus & sapius tentata mente, deprehendit tandem, mutare animum, inque gratiam cum Virtutibus redituram. De hoc polum protestari, apud mortales procuret Cynthius, ut tanto cum honore & tripudio reditura cum Virtutibus excipiat, quanto in amore à plerisque Orbis gubernatoribus Vitiis intricata hactenus habita, aulasque eorum in posterum pacatè moderaretur. Licet seriò vereatur, ne ut olim Virtutes & ipsa, jam eis comitata, ab aditu multorum excludatur, & obseratas fores offendat. Ad quæ; Mea hæc erit cura, respondit Phœbus, tu modò sinceram cum Virtutibus ini amicitiam, & absque illarum placito quicquam decernere nefas tibi futurum, promitte. Adjutrices manus meas apud Mortales nunquam defuturas ego sponsor sum omni exceptione major.

Hæc in ostiduo, dum absuerant legati, acta, jamque instabat hora, quâ publicè invicem R. S. & Virtutes reconciliarentur, legesque perpetuæ amicitiae scriberentur; Cum Ecce Perseus, ante heliconis limina è Nubibus delabitur, deque eqvo desiliens accelerato gradu Phœbum ubique cum anhelitu vestigat; cumque ejus copia facta, præ gaudio gestiens, Magne divum, pacata sunt omnia, sermonem orditur: Quanto honore excepti sumus à Seren. Saxoniae Electore, à Collegio Electorali, ab omnibus denique Germaniæ Principibus effari non possum, continuo præparata sunt omnia, in crastinum indictum generale Concilium omnium, quotquot congregati, Exterorum & indigenarum Principum, cumque mandata tua exposuimus, actaque hic nuper habita publicè perlecta, mirum quanta animorum mutatio & malacia subsecuta. Pars erubescibat, pars expallescebat, seque invicem respicientibus, vultusque notas observantibus, verecundia alium omnibus indicabat silentium. Cumque vererentur, amplissimi hujus confessus Moderatores & Directores, ne, si ad exculpationem adigerentur publicè, plus justo exulcerarentur animi, proque gravi deliberatione in tadiosam res degeneraret altercationem; Dissolutum tunc Concilium, moniti que graviter, descendat quisque in sese, curamque à semetipso quisque auspicetur, fore ut emendati singulatim, conjunctim, mandato Phœ-

C 3

bime.

bimelius obsequantur. Nec monitum effectu caruit, crastino die, acervatim, pars noctu, pars ementito & personato habitu nos invisunt, quodque heri pudor publice prohibuerat, hoc clanculum moniti fatebantur omnes, culpam deprecabantur, utque apud te expiarem, orabant supplices; omnem culpam in depravatam **RATIONEM STATUS** & ejus domesticos rejicientes, à quibus decepti, tanta tamque turpia quandoque admiserint. Orare etiam atque etiam, remittas modò, sive vinculis traditam, seu sponte *Virtutibus* obsequentem, se sine *Virtutum* consortio, nunquam illam suscepturos. *Privatum verò commodum, Occultum odium, Invidiam, Avaritiam* & quicquid colluvi ei est, orare, æternum Diti devoveas. Exploratis ita omnium, ferè, præsertim Exterorum mentibus, clam monuimus Seren. Electorale collegium, instaret, dum ferveret opus, nos sperare, conciliationem Universalem, quodque in nobis situm sit, manibus pedibusque allaboraturos, ut disponantur privatim mentes, quo eorum pro salute Reipublicæ faciliteretur cura.

Nec oscitanter nostra excepit monita Collegium, omni gloriâ dignissimum, sed noctes atque dies in radicitus extirpandis animorum livore, rancore & simultate, removendis fomitibus bellorum & dissidiorum, quoque omnibus ex æquo & bono satisfiat, indefesso labore jam desudat. Eoque ferè deductum negotium, ut Imperatorem Pium, bonum, prudentem cum pace generali, aut ad minimum Germaniam tuam extra belli aleam, certo certius sperem propediem. Quod tibi, maxime Divum, relaturus advolavi, sodalem meum confirmaturum animos, post me relinqvens, & in hoc solum anxius hæreo, nunquid de austerâ obstinatione remiserit *Ratio Status*.

Apollo lætatus felici successu & sermone Viri, actis gratis, audies ex ipsâ, inquit, quantum mutata, citò adducite eam, tu modò repete audacter præsentem eâ, expeditionem Francofurtensem; Cumque dicta Matrona cum *Virtutibus* propius ad thronum accessisset, Perseusque, quid actum, interatâ voce retulisset, sibi que omnem calamitatum culpam imputari, inque se declinari, præsens audivisset: Ingemuit, & oculis, lachrymis rorantibus, in genua procumbens, sicque exorsa,

Alme

Alme Pater, impudentiæ esset, admissa & delicta mea ulterius diffiteri, nimis sunt in aprico, seculi malitia & domesticorum meorum blanda calliditas, me miseram deceperunt, Condona, Pater optimè, Condonate Virtutes suavissimæ, antea cuncta infecta fieri non possunt, in posterum ero obsequentissima, meque nihil nisi suadentibus & imperantibus sororibus hisce commissuram, hoc ipso juro sanctissimè. Et quid restat, quin evolemus, Charissimæ, auxilio futuræ nostris Germaniæ Atlantibus, cumque arctius amplexa Virtutes, sollicitabat instantissime Phœbum, ut dimittat, se omnia, admissâ conciliatione exasperatorum animorum, satis superque compensaturam promittens. Quid ulterius actum, quomodo leges Conciliationis matricolæ Actorum Parnassi insertæ, præ concursu & murmure gratulantium & gaudentium, penetrare non potui, hoc certissimum, nemini Virtuoso- rum præ gaudio non manasse lachrymis oculos, nec tantum tri- pudium multis retrò seculis in Helicone observatum.

Ego verò ut celeritate Adventum Virtutum præverterem, ocyus iter aggressus, me è Parnasso surripui, plenus spe exoptatissi- mæ, quam tamen (ut nihil sit perfecti) molestissimè turbavit mo- rosus Plato, extra Parnassum ambulans, qui me properantem la- cinia apprehendens, anxiumque detinuit, & quid actum scisci- tans, ad quæ retulit, vereor, ne R. S. vulpinam assuerit pellem, cum Leoninam non sufficere viderit; Cui tamen moræ pertæ- sus, omnia tuta times, cum tamen Apollo constituerit, Te fore præceptorem illius Matronæ, & si nolit obtemperare, ferulâ ut castiges, impositurum. Cumque sidera procul gaudio Parnassâ reboare audirem, explicavi me à molesto, pristinâque spe ere- ctus, advolari hoc, vobis gaudia hæc relaturus, non vul-

garia, faxit DEUS, ut sincera & per-
petua.

F I N I S.

Biblioteka Jagiellońska



stdr0006989

